



ТОШКЕНТ ОҚШОМИ

Газета 1966 йил
 1 июлдан
 чиқа бошлаган

ШАҲАР ИЖТИМОЙ-СИЁСИЙ КУНДАЛИК ГАЗЕТАСИ

№ 155 (11.466)

Баҳоси эркин нархда

МАМЛАКАТИМИЗДА

- Тошкентда Соғлиқни сақлаш вазирлиги ҳамда БМТнинг Халқаро болалар жамғармаси — ЮНИСЕФнинг Тошкентдаги ваколатхонаси ҳамкорлигида «Болаларни она суги билан парвартиш» мавзуида конференция бўлиб ўтди.
- Навоий шаҳрида «Юсак маънавиятли ёшлар — Ватан таянчи» мавзуида давра суҳбати ўтказилди.
- Қорақалпоғистон Республикаси Кегайли тумани марказида барча қулайликларга эга бўлган маиший хизмат кўрсатиш маркази иш бошлади. Янги марказ таркибиди тикувчилик цехи, ошхона, савдо дўкони, устакхона ва сартарошхона каби хизмат кўрсатиш шохобчалари мавжуд бўлиб, бу ерда 25 киши иш билан таъминланди.
- Андижон шаҳрида Бандликка кўмаклашувчи марказ томонидан бўш иш ўринлари ярмаркаси ташкил этилди. Тадбирда 95 та ташкилот ва корхоналар, хусусий тадбиркорлик субъектлари 310 та бўш иш ўрни билан қатнашган бўлиб, ярмарка давомида 290 нафар кишига турли сановат корхоналари, халқ таълими ва соғлиқни сақлаш муассасалари ҳамда бошқа ташкилотларга ишга жойлашиш учун йўланмалар берилди.
- Қашқадарё вилоятида «Республикадаги энг яхши кишлоқ» кўрик-танловининг туман bosқичлари якунланди.
- Қаршидаги Жанубий-ғарбий ҳарбий округга сержантлар тайёрлаш мактабида курсантларнинг навбатдаги қабули муносабати билан тантанали тадбир бўлиб ўтди.
- Гулистон шаҳрида Халқ таълими вазирлиги, «Қамолот» ЁИХ Марказий кенгаши ва бошқа бир қатор муассаса ҳамда ташкилотлар ҳамкорлигида «Тошкент баҳори» деб номланган республика болалар ижодий жамоалари фестивали бўлиб ўтди.
- Наманган вилояти Чортоқ тумани Бандликка кўмаклашиш маркази навбатдаги меҳнат ярмаркасини уюштирди. Унда тумандаги 49 та корхона ва ташкилотлар ўзларидаги 305 та бўш иш ўрни билан қатнашдилар. Тадбир якунида 263 кишига ишга жойлашиш учун йўланмалар берилди.
- Жиззах вилояти Пахтакор шаҳрида ташкил этилган Ўзбекистон-Италия-Хитой кўшма корхонасида «Мушга» русумли телевизорнинг илк нусхаси тайёрланди. Жамоа аъзолари йил охирига қадар 2 миллиард сўмлик маҳсулот ишлаб чиқаришни режалаштиришган.



«Мустақиллик биз учун — ўзлигимизни англаш, юрт тинчлиги ва барқарорлигининг, инсон манфаати, эркинлиги ва фаровонлигининг, биз кўзлаган демократик жамият барпо этишининг гаровидир»

ПОЙТАХТНИНГ БИР КУНИ 2200 йиллик ва дўстона Тошкент



Бунёдкорлик

ШАРАФЛИ КАСБ ЭГАЛАРИ

Мустақил юртимизнинг тобора чирой очиб, жаҳон андозалари даражасидаги бино ва иншоотларнинг қад ростлашида қурилиш майдонларида ғайрат-шижоат кўрсатиб меҳнат қилаётган толмас қўлли бунёдкорларнинг муносиб ҳиссасини алоҳида таъкидлаш жоиз.

Шу ўринда айтиш жоизки, юртимизнинг барча ҳудудларида Президентимиз раҳнамолигида улкан бунёдкорлик ишлари амалга оширилмоқдаки, бундан кун сайин қад ростлаб мамлакатимиз шаҳар ва қишлоқлари кўркамга кўрк қўшаётган маҳобатли иншоотлар, замонавий турар-жой бинолари, мустақкам кўприк ва равон йўллари, кўшма корхоналар, олий ўқув yurtлари, коллеж, лицей ҳамда мактаблар ёрқин исботлаб турибди. Уларнинг барчаси кўрган кўзларни қувнатиб, эл-юрт ободлиги, фаровонлиги йўлида хизмат кўрсатаётганлиги, айниқса қувонарлидир.

Қурувчиларимиз бугунги кунда дилларига кўшалок байрамлар шукухини муҳассам этган ҳолда қурилиш майдонларида кунни тунга улаб жасорат кўрсатишмоқда. Албатта, қишнинг қаҳратоний ёзнинг саратонини писанд қилмай меҳнат қилаётган бунёдкорларимиз меҳнати ҳар қанча таҳсинга лойиқ. Шунинг учун ҳам қуриш, яратиш, яшнатиш ишқида жавлон ураётган, она Ватанимиз чиройини жаҳонга кўз-кўз қилаётган бунёдкорларимиз эъзозланмоқда, қадр топмоқда.

Халқимизга хос бунёдкорлик, яратувчанлик бугунги кунда барча ҳудудларда ёрқин намоян бўлмоқдаки, мустақилликнинг қисқа даврида асрларга татиғулик ишларни рўёбга чиқаришда, кўзланган мақсадларга эришишларида миллий ша-

ҳарсозлик ва меъморчилик анъаналари, замонавий архитектура-қурилиш технологиялари ўзаро уйғунлигида олиб борилмоқда.

Шуни алоҳида таъкидлаш керакки, бугун ўзининг қутлуғ тўйини нишонлаётган пойтахтимиз кўркамга ва ободлигига сўз ожиз. Айниқса, бу борада Президентимизнинг 2008 йил 2 апрелдаги «Тошкент шаҳрининг 2200 йиллигини нишонлашга тайёргарлик кўриш ва уни ўтказиш тўғрисида»ги Қарори дастурамал бўлдики, унга мувофиқ шаҳримизда бунёд этиш, таъмирлаш ва ободонлаштириш ишлари қизгин олиб борилмоқда. Байрамларимизга санокли кунлар қолган айна паллада ҳам меҳнат пости—қурилиш объектларида қўли қўлига тегмаётган қурувчиларимизнинг кайфиятлари аъло. Улар бор маҳоратларини ишга солиб, замонавий қурилиш ашёлари ва илғор технологияларни қўллаган ҳолда юбилей объектларини тез ва соз фойдаланишга топшириш мақсадида тер тўкишмоқда.

Ўзларининг шижоатли меҳнатлари билан эл-юрт олқшига сазовор бўлаётган, она Ватан ободлигига муносиб ҳисса қўшиб, шодийларининг ёруғ юз билан кутиб олишига интилаётган забардаст қурувчиларимизга «Қўлингиз дард кўрмасин, толмас билаларингиз маҳорати бундан-да зиёда бўлсин, азиз бунёдкорлар!» дейимиз.

Шарифа ИЛЁСОВА

«Жаҳон» АА,
 Қоҳира

ЖАҲОНДА

- Грузия парламенти мамлакат ҳарбийларини Афғонистонга тинчлик миссиясида қатнашиш учун юбориш юзасидан яқдиллик билан овоз берди.
- Россия ва Туркия ўртасида нефть ва газ соҳасида ҳамкорлик юзасидан ҳукуматлараро протокол, шунингдек, атом энергетикаси соҳасида ҳамкорлик бўйича иккита битим имзоланди.
- АҚШ тарихида илк бор келиб чиқиши Лотин америкалик бўлган Сония Сотамайер Олий суд судьялигига тайинланди. Таъкидлаш жоизки, унинг номзодини АҚШ Президенти Б.Обама тавсия этган бўлиб, Сенат аъзолари томонидан тасдиқланди.
- Покистон ҳарбийларининг билдиришларича, берилган ракета зарбаси натижасида «Ал-Қоиданинг Покистон бўлими етакчиси В.Меҳсуд ҳаётдан кўз юмган бўлиши мумкин.
- Ироқ ҳукумати Бағдод шаҳрида жойлашган қочоқлар қароргоҳини сув ва озик-овқат билан таъминлашни чеклаб қўйди. Айтиш керакки, ушбу қароргоҳда 20 йилдан буюн эронлик 3,5 миң нафар қочоқ истиқомат қилади. Хозирда Ироқ ҳукумати уларнинг ўз ватанига қайтарилишини ёки бирор бир бошқа давлатга олиб чиқиб кетилишини талаб этмоқда.
- Кучли ёмғир ва шамол натижасида Украинанинг 131 та аҳоли яшаш пункти электр қувватсиз қолди. Львовда эса ёмғир ва кучли бўрон натижасида икки соат давомида жамоат транспортининг ҳаракати тўхтаб қолди.
- Назрандаги марказий бозорда «Газел» автомашинасининг газ баллони портлаши оқибатида кучли ёнғин чиқди. Портлаш ва ёнғин бир кишининг ҳаётига зомин бўлди, икки киши турли даражадаги тан жароҳатларини олди.
- Нью-Йоркда жойлашган машҳур мусавир ва сайёх Николай Рерих музейида ўғирлик содир этилиб, расмоннинг иккита қимматбаҳо картинаси йўқолган.
- Венесуэла маъмурилари Колумбияга нисбатан иқтисодий санкцияларни жорий этдилар.
- Туркия «Жанубий оқим» газ ўтказгичини ўз иқтисодий ҳудуди орқали қурилишига рухсат берди.
- Буюк Британия темирйўлчилари иш ҳақини оширишни талаб этишгани ҳолда саккиз соатлик иш ташлаш уюштирилди.

**ҚИСҚА
 САТРЛАРДА**

Тошкент шаҳар ҳокимлигининг Ахборот хизмати ва ўз мухбирларимиз хабарларидан.

✓ **ФУҚАРОЛИК** жамиятини ўрганиш институти ҳамда Тадбиркорлар ва ишбилармонлар ҳаракати — Ўзбекистон-либерал- демократик партияси Тошкент шаҳар Кенгаши ҳамкорликларида сайловлар жараёнида сиёсий партияларнинг роли ва аҳамиятига бағишланган тадбир ўтказилди.

✓ **БУГУН** Миробод туманидаги Фафур Фулом номли маданият уйида бадий ҳаваскорлик жамоалари, тўгараклар, курслар ўқитувчилари, қатнашчилари иштирокида азим пойтахтимизнинг 2200

йиллигига бағишлаб «Рақса тақлиф этамиз» мавзуида ўтказилган маънавий-маърифий тадбир ва концерт дастури Тошкент шаҳар корейс миллий маданият маркази ҳамкорлигида уюштирилди.

✓ **БУГУН** «Алоқачи» ёзги болалар соғломлаштириш оромгоҳида Ҳамза туман маданият ва спорт ишлари бўлими ташаббуси билан дам олувчилар иштирокида уюштирилган тадбир «Салом, оромгоҳим» деб номланди.

